

## Održana redovna generalna skupština EuroGeographicsa za 2015. godinu

07.10.2015 10:05



Redovna godišnja skupština EuroGeographicsa za 2015. godinu održana je u Beogradu, Republika Srbije, u periodu od 4. do 6. oktobra, čiji je domaćin bio Republički geodetski zavod Republike Srbije. Generalnu skupštinu je prigodnim govorom otvorila potpredsjednica Vlade Republike Srbije i ministrica građevinarstva, prometa i infrastrukture gđa Zorana Mihajlović.

EuroGeographics je neprofitabilna organizacija koja okuplja i predstavlja nacionalne katastarske i kartografske evropske agencije. Udruženje trenutno ima preko 60 agencija kao svoje članice, a koje dolaze iz 46 zemalja evropskog regiona. Glavna tema ovogodišnje skupštine bila je „Strategic importance

of european Location Framework“. U okviru skupštine održano je niz zanimljivih prezentacija i predavanja koja se tiču uloge koju u evropskim okvirima imaju nacionalne agencije za katastar i kartografiju. Tokom radnog dijela skupštine, prezentacija i diskusije koja je uslijedila naglasak je stavljen na stratešku važnost Evropskog lokacijskog okvira (ELF) u funkcioniranju e-vlade i budućeg napretka agencija za katastar i kartografiju.

Drugog dana skupštine održana je zanimljiva sesija pod naslovom „Focusing on members – regional collaboration“, kojom je predsjedao gosp. Danko Markovinović, direktor Državne geodetske uprave Republike Hrvatske. Tokom sesije predstavljene su aktuelnosti s područja zapadnog Balkana, a gosp. Lorenc Cala, direktor Agencije za koordinaciju razvoja IPP-a Republike Albanije, ovom prilikom je prisutnim delegatima predstavio regionalni IMPULS projekt, napredak i buduće planove. Tokom spomenute sesije također je organizirana i svečana primopredaja podataka kojim agencije za katastar i kartografiju pridonose proizvodima EuroGeographicsa (Euro Boundary Map, Euro Regional Map i drugi). U ime Federalne uprave za geodetske i imovinsko-pravne poslove podatke je predsjednici udruženja gđi Ingrid Vanden Berghe predao direktor Uprave gosp. Željko Obradović. Na ovaj način podaci Federalne uprave za geodetske i imovinsko-pravne poslove postaju dio proizvoda EuroGeographicsa koji su dostupni široj evropskoj zajednici.

Tokom skupštine se također razmatralo i poslovanje udruženja za prethodnu 2015. godinu, izvršilo usvajanje poslovnih bilansi za 2015. godinu, diskutiralo o planu za 2016. godinu te putem glasanja usvojio operativni plan za 2016. godinu. Također je izvršen i izbor novih članova Upravnog odbora Eurogeographicsa. U sljedeće dvije godine novi članovi Upravnog odbora EuroGeographicsa će biti Werner Hoffman, generalni direktor Federalne agencije za izmjeru i mjeriteljstvo Austrije (Bundesamt für Eich- und Vermessungswesen - BEV) i Igor Vasiliev, rukovoditelj Federalne uprave za registraciju nekretnina, katastar i kartografiju Rusije (Federal Service for State Registration, Cadastre and Cartography).

Federalnu upravu za geodetske i imovinsko-pravne poslove na generalnoj skupštini su predstavljali direktor Uprave gosp. Željko Obradović i zaposlenik Sektora za geoinformatiku gosp. Denis Tabučić. Sljedeća redovna skupština EuroGeographicsa planirana je za održavanje početkom 10. mjeseca 2016. godine u Budimpešti, Mađarska.





```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' });
```